



Uunga siunnersuut: Greenland Oil Spill Response A/S pillugu Inatsisartut inatsisaata atorunnaarsinneqarnissaa pillugu Inatsisartut inatsisaat.

(Aatsitassanut Inatsisillu Atuutsinneqarnerannut Naalakkersuisoq)

Siullermeerinnineq

Naleqqamiit Naalakkersuisut siunnersuutaanut qujassuteqassaagut.

Naleqqamiit iluarisimaarparput suliffeqarfik tunngavissaqanngippat atorunnaarsinnissaanut alloriartoqalermat. Maluginiagassarli ataaseq ersersittariaqarlugu. Suliffeqarfiup pigisai pilersaarutaamata Sikuki A/S-imut ingerlateqqinnissaat.

Naleqqamiit nangaanartutut nalilerparput suliffeqarfimmut, Naalakkersuisut ulluinnarni akuuffigerusunnngisaannut, tunniunneqassappata. Ukiuni kingullerni takoreerparput aalisarfimmi kilisaat kivissappat pinngortitamut eqquinerlussinnaanera, kingunerisinnaallugu nunatsinni inuutissarsiutini nappatitta pingaarnersaat, aalisarneq, eqqornerlunneqarsinnaanera. Minnerunngitsumillu Sikuki A/S pillugu Naleqqamiit kaammattuutigisarput, nunatsinni pisortat suliffeqarfiutaat ikilisarlugit, susasaqartut iluminni aaqqiisinnaanerput, uteqqissavara.

Qularnanngitsumik illoqarfinni allani Greenland Oil Spill Response A/S pigisimasaat inissaqartinneqarsinnaagaluarput. Qitiusumut, inissaaleqisumut, nuussuiniarnersuaq qimalaarlugu. Sisimiuni umiarsualivik eqqartorneqarnikuuvoq, aammalu Aasianni ujartuisoqaraluarpoq. Kisiannili maanna pilersaarutaasut ingerlanneqassappata, taava Sikuki A/S Nuuk kisiat inerisarlugu ujartuinerat sineriammi inuerusaaanertut taaneqarsinnaalissaaq. Tamannalu inuiaqatigiit annasaqaatigissavaat.

Naleqqamiit taamatut naatsumik siunnersuut ilalerparput, kisianni pigisat Sikuki A/S-imut nuunneqarnissaat akerlilerlugu.